

丁甘仁医案



丁氏醫案 卷四

孟河丁澤周甘仁著

長孫濟萬編輯

及門諸子

程門雪 朱振聲

陶可箴 錢乃振 仝參

劉佐彤 宋大仁

霍亂門

陳左

夏月陽外陰內偏嗜生冷。腠理開發。外邪易襲。驟觸疫癘不正之氣。由口鼻而直入中道。以致寒暑濕滯互阻中焦。清濁混淆。亂於腸胃。胃失降和。脾乏升運。而大吐大瀉。揮霍撩亂。陰邪錮閉於內。中陽不伸。不能鼓擊於脈道。故脈伏。不能通達於四肢。故肢冷。兩足轉筋。一因寒則收引。一因土虛木賊也。汗

多煩躁。欲坐井中之狀。口渴不欲飲。是陰盛於下。格陽於上。此陰躁也。形肉陡然削瘦。脾土大傷。穀氣不入。生化欲絕。陰邪無退散之期。陽氣有脫離之險。脈證參合。危在旦夕間矣。擬白通四逆加入尿猪胆汁意。急回欲散之陽。驅內勝之陰。背城借一。以冀獲效。

生熟附子 各三錢

淡乾姜 五錢

炙草 一錢

姜半夏 三錢

吳萸 七分

川連 三分

赤苓 四錢

陳皮 一錢

陳木瓜 五錢

童便 一杯

猪胆汁 冲服三四滴

覆診

吐瀉煩躁均減。脈伏肢冷依然。加炒潞黨參。

錢四。

羅左

觸受寒疫不正之氣。夾濕滯交阻。太陰陽明爲病。清濁相干。升降失常。

猝然吐瀉交作。脈伏肢冷。目陷肉削。汗出如雨。脾主四肢。濁陰盤踞中州。陽氣不能通達。脈伏肢冷。職是故也。陽氣外越。則自汗。正氣大虛。則目陷肉削。舌苔白膩。虛中挾實。陰霍亂之重症。亟擬白通四逆湯合附子理中湯加減。以期轉

機爲幸。

熟附子塊二錢

淡乾姜一錢

清炙草八分

姜半夏三錢

吳萸七分

童便冲服一酒杯

炒潞黨參三錢

生白朮二錢

赤苓四錢

製川朴一錢

川連三分

猪胆汁冲服三四滴

灶心黃土一兩陰陽水煎

朱右

吸受疫癘由口鼻而直入中道與伏暑濕滯互阻脾胃兩病猝然腹中絞痛煩躁懊懣上爲嘔吐下爲泄瀉四肢厥逆口乾欲飲脈伏舌苔薄膩而黃清氣在下濁氣在上陰陽乖戾氣亂於中而爲上吐下瀉濕遏熱伏氣機閉塞而爲肢冷脈伏熱深厥深霍亂重症亟宜黃連解毒湯加減辛開苦降芳香化濁冀挽回於什一

上川連八分

淡吳萸二分

仙半夏二錢

枳實炭一錢

黃芩錢半

藿香梗錢半

六神麴三錢

赤猪苓各三錢

炒白芍錢半

陰陽水煎

玉樞丹四分



二診 昨投萸連解毒湯。吐瀉漸減。脈息漸起。四肢微溫。佳兆也。惟煩躁乾噁。口渴喜冷飲。舌前半紅絳。中後薄黃。小溲短赤。是吐傷胃。瀉傷脾。脾陽胃陰既傷。木火上冲。伏暑濕熱留戀不化也。今守原意。加入清暑滲濕之品。能得不增他變。可冀出險履夷。

上川連 八分

淡吳萸 一分

仙半夏 錢半

枳實炭 八分

黃芩 錢半

炒白芍 錢半

炒竹茹 錢半

枇杷葉 四張

柿蒂 五枚

赤苓 三錢

活蘆根 一尺

通草 八分

神仁丹 四分

三診 吐瀉已止。脈起肢溫。煩躁乾噁亦減。惟身熱口渴。欲喜冷飲。小溲短少。而赤。舌紅苔黃。陰液已傷。伏暑濕熱蘊蒸募原。三焦宣化失司。再擬生津清暑。苦寒泄熱。淡以滲濕。

天花粉 三錢

仙半夏 錢半

銀花 三錢

六一散 三錢(包) 赤苓 三錢

鮮石斛 三錢

川雅連 五分

連翹 三錢

通草 八分

竹茹 錢半

活蘆根 一尺去節 枇杷葉 四張去毛包

尤左

寒暑濕滯互阻。太陰陽明爲病。陰陽逆亂。清濁混淆。猝然吐瀉交作。腹中絞痛。煩悶懊懣。脈沈似伏。霍亂之症。弗輕視之。亟擬芳香化濁。分利陰陽。

藿蘇梗 各錢半

枳實炭 一錢

陳廣皮 一錢

姜川連 五分

大腹皮 二錢

姜半夏 二錢

製川朴 一錢

白蔻仁 八分

淡吳萸 二分

六神麴 三錢

炒車前 三錢

生姜 三片

赤猪苓 各二錢

玉樞丹 四分冲

二診 昨進正氣合左金法。吐瀉漸止。腹痛亦減。脈轉濡數。反見身熱。口乾不多飲。舌苔灰膩而黃。伏邪有外達之機。裏病有轉表之象。均屬佳境。仍守原意。加入解表。俾伏邪從汗而散。

淡豆豉 三錢

嫩前胡 錢半

藿蘇梗 各錢半

仙半夏 二錢

大腹皮 二錢

薄荷葉 八分

製川朴 一錢

陳廣皮 一錢

炒枳殼 一錢

六神麴 三錢

白蔻壳 一錢

姜竹茹 一錢

荷葉 一角

恙由吐瀉而起。太陰陽明爲病。今吐瀉雖止。而裏熱口渴。煩躁不寐。舌糙黑。脉細數。脾胃之陰已傷。心肝之火內熾。當宜養陰救液。而清伏熱。

鮮石斛 三錢

連翹壳 三錢

冬桑葉 三錢

硃茯神 三錢

細生地 三錢

黑山梔 錢半

粉丹皮 二錢

天花粉 三錢

生甘草 六分

活蘆根 二尺去節

暑濕夾滯。互阻中焦。太陰陽明爲病。吐瀉交作。腹中絞痛。脉沉。四肢厥冷。舌灰膩微黃。此乃感受疫癘之氣。由口鼻而直入中道。遂致清濁混淆。升降失司。邪入於胃。則爲嘔吐。邪入於脾。則爲泄瀉。濕遏熱伏。氣道閉塞。氣閉則不能通達經隧。所以四肢逆冷也。傷寒論曰。嘔吐而利名曰霍亂。此重症也。急宜芳香化濁。分利陰陽。

藿蘇梗 各錢半

川雅連 五分

淡黃芩 錢半

炒竹葉 錢半

廣陳皮 一錢

淡吳萸 二分

炒赤芍 二錢

大腹皮 二錢

仙半夏 二錢

製川朴 八分

枳實炭 一錢

六神曲 三錢

炒車前 三錢

玉樞丹 四分沖

疫癘之邪。挾暑濕滯互阻。太陰陽明爲病。腹中絞痛。煩躁不安。上爲嘔吐。下爲泄瀉。四肢逆冷。口乾欲飲。脉細欲伏。舌苔薄膩而黃。清氣在陰。濁氣在陽。陰陽反戾。氣亂於中。遂有此變。濕遏熱伏。氣機否塞。所以四肢逆冷。脉道爲之不利。霍亂重症。急宜萸連解毒湯加味。辛開苦降。芳香化濁。

川雅連

淡吳萸

淡黃芩

鮮竹葉

枳實炭

大白芍

灶心土

藿香梗

仙半夏

六神曲

玉樞丹

陰陽水煎

寒疫不正之氣。挾濕滯互阻。太陰陽明爲病。清濁相干。升降失常。忽然吐瀉交作。脉伏肢冷。目陷肉削。汗出如冰。脾主四肢。濁陰盤踞中州。陽氣不能通達。肢冷脉伏。職是故也。陰無退散之期。陽有散亡之象。陰霍亂之重症。危在旦夕。勉擬通脉四逆湯加味。驅內勝之陰。復外散之陽。未識能有挽回否。

熟附片

姜川連

仙半夏

猪胆汁

淡乾姜

炙甘草

赤猪苓

淡吳萸

製小朴

葱白頭

寒邪直中三陰。吐瀉交作。脉沉。四肢逆冷。煩躁不安。口乾不欲飲。傷寒六經。邪入三陽爲淺。三陰爲重。吐瀉交作。邪入太陰也。四肢逆冷。邪入厥陰也。脉沉。邪入少陰也。陰盛於內。格陽於外。煩躁不安。口乾不欲飲。內真寒而外假熱。顯然可見。陰邪方盛。真陽欲亡。危在旦夕。擬通脉四逆湯加味。驅內據之陰。回外散之陽。以冀陽光普照。則陰雲自散。

淡乾姜

陳廣皮

六神曲

葱白頭

熟附塊

姜半夏

大砂仁

猪胆汁

炙甘草

製小朴

川桂枝

瘧疾門

馬左

夏傷於暑。以榮爲舍。秋冒風涼。與衛併居。涼者陰邪也。陰欲入而陽拒之。陰併於陽。則陽虛而陰盛。陰盛則寒。暑者陽邪也。陽欲出而陰格之。陽併於陰。則陰虛而陽盛。陽盛則熱。是以先寒慄鼓頷。而後壯熱頭痛。依時而作。汗出而解。日日如是。已有兩旬之久。胸悶不思飲食。舌苔膩布。脈象弦滑。弦爲少陽之脈。滑爲痰濕之徵。邪伏少陽。痰濕阻于募原。無疑義矣。今擬清脾飲加減。和解樞機。蠲化痰濕。

軟柴胡 一錢

仙半夏 二錢

酒黃芩 一錢

製小朴 八分

煨草菓 八分

細青皮 一錢

生甘草 四分

六神曲 三錢

鮮佩蘭 二錢

生薑 一片

錢左

寒熱日作。已有匝月。胸脘不舒。納少神疲。脈象弦滑無力。舌苔薄白。此正虛邪伏募原。少陽樞機爲病。今擬小紫胡湯加味。扶正達邪。和胃化痰。

潞黨參 錢半

軟前胡 一錢

姜半夏 二錢

生甘草 四分

廣皮 一錢

炒枳殼 一錢

煨草菓 八分

川象貝 各二錢

炒穀麥芽 各三錢

佩蘭 錢半

生姜 兩片

紅棗 四枚

陸左

間日瘧先戰寒而後壯熱。熱盛之時。煩躁胸悶譫語。自午後至夜半。得汗而解。已發七八次。納少神疲。脈弦滑而數。苔薄膩而黃。伏邪痰濕互阻。陽明爲病。榮衛循序失司。擬桂枝白虎湯加味。疏解肌邪而清陽明。

川桂枝 八分

陳皮 一錢

熟石膏 四錢打

生甘草 一錢

炒穀芽 四錢

仙半夏 三錢

川象貝 各二錢

煨草菓 八分

肥知母 錢半

佩蘭 錢半

生姜 二片

紅棗 四枚

甘露消毒丹 四錢荷葉包煎

二診

服桂枝白虎湯三劑。間日寒熱已減大半。發時譫語亦止。惟胸悶納少。神疲乏力。脈弦滑不靜。苔薄膩。夜不安寐。伏邪痰濕未楚。胃不和則臥不安也。前法既效。率由舊章。

川桂枝六分

仙半夏三錢

熟石膏二錢打

生甘草四分

陳皮一錢

茯神三錢硃炒拌

川象貝各二錢

北秫米包三錢

炙遠志一錢

佩蘭錢半

生姜二片

紅棗四枚

姜重

間日瘧已延月餘。加之小腹時滿。納少便溏。舌苔薄膩。脈象沉弦。乃久

瘧傷脾。脾陽不運。濁濕凝聚募原。三焦輸化無權。書所謂諸濕腫滿。屬皆於脾。又曰。濁氣在上。則生臃脹是也。表病傳裏。勢非輕淺。亟與溫運太陰。以化濕濁。和解樞機。而達經邪。

熟附片一錢

淡乾姜五分

生白朮錢半

連皮苓四錢

澤瀉錢半

軟柴胡八分

仙半夏二錢

生甘草四分

製川朴一錢

腹皮二錢

六神麴三錢

炒麥芽苡仁各三錢

復診

溫運太陰。和解樞機。連服三劑。腹脹滿漸見輕減。寒熱又作。是陷入太

陰之邪。仍欲還出陽經之佳象。胸悶納少。腑行不實。小溲短少。脈轉弦滑。痰濕

留戀中焦。脾胃運行失職。前法頗合。再進一籌。

熟附片 一錢

炮乾姜 六分

生白朮 二錢

赤猪苓 各三錢

澤瀉 錢半

軟柴胡 一錢

仙半夏 二錢

粉葛根 一錢

生甘草 五分

小朴 八分

大腹皮 二錢

六神麴 三錢

乾荷葉 一角

楊右

三日瘡已延半載。發時戰寒壯熱。歷十小時始衰。納穀漸少。面色痿黃。

脈象沉弦無力。苔薄膩。此正氣已虛。邪伏三陰。榮衛循序失司。纏綿之症。姑擬扶正達邪。用陽和陰。

炒潞黨 錢半

柴胡 八分

生甘草 六分

仙半夏 二錢

川桂枝 六分

熟附片 一錢

炙鱉甲 四錢

青蒿梗 錢半

鹿角霜 三錢

茯苓 三錢

陳皮 一錢

焦穀芽 四錢

生姜 兩片

紅棗 四枚

二診

前方服六劑。寒熱即止。接服六君子湯。加草薢、姜、棗。

俞左

伏邪久蘊。消耗陰液。臨晚身熱。至夜半而減。已延數月。咳嗽、咯痰不爽。

納少。形肉消瘦。苔薄黃。脈弦滑而數。少陰之陰已傷。陽明之邪不解。書云。但熱不寒。名曰瘧瘧。久不愈。即爲癆瘵也。

潞黨參 錢半

生甘草 六分

青蒿梗 錢半

炙鱉甲 三錢

川貝母 三錢

熟石膏 三錢打

仙半夏 錢半

銀柴胡 一錢

冬瓜子 三錢

硃茯神 三錢

嫩白薇 錢半

大葶薺 五枚

焦穀芽 四錢

屠右

但寒不熱。名曰牡瘧。間日而作。已有月餘。汗多淋漓。納穀減少。脈沉細而弦。舌中剝。邊薄白而膩。是陽虛失於外護。不能托邪外出。痰濕困於中宮。脾胃運化失職。高年患此。勿輕視之。亟擬助陽達邪。和中化濕。

潞黨參 三錢

熟附塊 二錢

川桂枝 一錢

軟柴胡 一錢

陳廣皮 一錢

姜半夏 三錢

雲茯苓 三錢

鹿角霜 三錢

煨草菓 八分

清炙草 五分

生薑 二片

紅棗 四枚

二診

寒減。胸悶氣逆。去參。加全福花。

錢半包。炙白蘇子 二錢。



三診 牡瘡寒熱已減。汗多淋瀝。納少胸悶。脈沉細而弦。舌中剝。邊薄膩。陽虛氣弱。不能托邪外出。痰濕逗留募原。皮毛開而經隧閉也。仍宜助陽達邪。和中化濕。

潞黨參 三錢

熟附片 二錢

川桂枝 一錢

白芍 錢半

清炙草 五分

軟柴胡 八分

仙半夏 三錢

煨草菓 一錢

常山 一錢

鹿角霜 三錢

生姜 兩片

紅棗 四枚

伏邪痰濕。逗留募原。榮衛失其常度。邪與榮爭則熱。與衛爭則寒。寒熱日作。胸悶泛噦。舌苔薄膩。脈象弦滑。此邪在少陽。濕在陽明。少陽爲半表半裏之經。寒熱往來。職是故也。今宜和解宣化。淡滲濕熱。俾得邪從外達。濕從下趨。則榮衛調和。寒熱自解矣。

前柴明 各錢半

茯苓皮 四錢

塊滑石 三錢

仙半夏 二錢

鮮竹茹 錢半

通艸 八分

酒炒黃芩 錢半

白蔻壳 八分

鮮藿香 錢半

生姜 二片

象貝母 三錢

瘡疾間日而作。寒輕熱重。胸悶納少。小溲黃濁。舌苔薄膩微黃。脉象弦滑而數。經云。夏傷於暑。秋爲痲瘧。伏暑鬱於陽明。痰濕逗留募原。故有此證。今擬桂枝白虎湯加味。以桂枝領邪外出。以白虎直清陽明也。

川桂枝 四分

赤茯苓 三錢

炒穀麥芽 各三錢

生石膏 四錢打

江枳壳 一錢

通艸 八分

仙半夏 二錢

苦桔梗 一錢

福澤瀉 二錢

酒炒黃芩 錢半

生姜 三片

炙甘草 五分

甘露消毒丹 三錢包煎

三陰大瘡。業經數月。形瘦神疲。舌苔薄膩。脉象濡軟。久瘡脾陽胃陰兩傷。伏邪不達。榮衛不和。宜以扶正達邪。調和榮衛。

潞黨參 三錢

陳廣皮 一錢

炙甘草 五分

雲茯苓 三錢

仙半夏 二錢

陳佩蘭 錢半

生白朮 二錢

銀柴胡 一錢

鹿角霜 三錢

紅棗 二枚

生姜 二片

生熟穀芽 各三錢



